

我上敬佩的人

愛因斯坦是我上敬佩的人，伊的全名是阿爾伯特·愛因斯坦，愛因斯坦出世佇西元一八七九年三月十四日，個規家伙仔攏是猶太人，伊創造現代物理學的兩枝柱仔：「相對論佻量子力學。」佇伊五歲破病的某一工，鬢佇眠床頂歇暈，伊的阿爸送伊一个指南針，伊提佇手裡耍，無意中煞發現，無論伊共指南針按怎撻，指針永遠指著仝一个方向，這件代誌，予伊有進一步認捌智識的欲望，伊的阿叔教伊認捌代數，就按呢，數學成做伊興趣的一部分。

伊身體無蓋好，所致無做兵。出業了後，因為伊是猶太人，所致揣無頭路。一九〇二年，同學老爸共伊鬥相共，予伊成做瑞士專利局的助理鑑定員，毋過伊猶是日夜研究物理，透過無歇暈的計算和思考，總算想清楚一直困擾伊的問題，上落尾伊發表幾若篇論文，其中一篇就得著諾貝爾物理學獎，另外兩篇是相對論，終其尾，伊成做全世界知名的物理學家。

伊反對戰爭，因為自小漢伊就真驚遐利劍劍的刀槍，所以伊真後悔叫美國人做原子彈。第二改世界大戰了後，伊一直想辦法推揀世界和平。對伊的身上，我學著「拍拚無一定有成果，毋過無拍拚，一定袂有成就。」做代誌袂當干焦做一半爾爾，一定愛堅持落去，才有可能達成目標。

總講一句，愛因斯坦是我上欽佩的人，因為伊予人類一支鎖匙，
會當拍開時間佢空間的門，予宇宙一个全新的解釋。